

西寧府新志卷之三十二

藝文志

藝文首重

遼海揚應珞佩之撰次

言德音更闕蠲恤西垂兆民被

恩尤厚至歷朝碑詔良臣頌畫文士述作搜輯蒼萃以四
寧用武之地載諸簡編以備參考卽吟咏篇什輶軒
采風亦無非歌誦勤苦表揚勳伐鼓吹休明宣布風
土而邊地輕文均不可闕云

詔諭

西寧府新志

卷三十二 藝文

詔諭

西寧府

一世祖章皇帝

順治九年

詔免西寧所屬故絕拋荒並水淹沙壓地畝額征糧草

王祖仁皇帝

康熙四十一年奉

上諭西寧乃緊要地方產米甚少於西安倉米內運送五
萬石收貯 又戶部題准西寧運西安糧石借給本地
窮民於明年照數還倉 又題准西寧衛張伯所上

川口巴古等堡應徵屯裡於四十二年帶徵 又議
准西寧米價騰貴運西安糧米照時價十分減三糶
賣俟明秋照數還倉

五十五年奉

上諭蠲免西寧所屬次年糧草并將從前歷年逋欠糧草
亦悉予蠲除

五十七年奉

上諭西寧節年舊欠糧草盡行豁免

宗憲皇帝

西寧府新志

卷三十二藝文

詔諭

二

雍正元年奉

上諭所有西寧康熙六十年以前實在未完豆苴悉予蠲
免

雍正六年奉

上諭甘肅地方年來預備軍需雖事事取辦於公帑而百
姓輓輸効力亦甚勤勞朕心軫念維殷屢加恩澤前聞
今歲蘭州平涼西寧等府所屬州縣內有雹雨蟲傷之
處已諭該督撫畱心賑恤停止催科嗣聞從前雨少之
地俱已霑被甘霖秋成可望朕心深慰因念甘肅為軍

需總匯之區百姓急公趨事所當格外加恩俾關閘力
量寬餘無催徵之擾以昭朕子惠元元獎勞賞善之至
意著將河東河西各屬民戶屯戶及番民等本年應徵
各項銀糧草束一概蠲免若有已經完納者准作來年
正賦該督撫等務體朕心督率有司敬謹奉行俾秦民
均沾實惠倘有豪胥猾吏舞弊作奸使澤不下究者經
朕訪聞定將該管大小官員嚴加議處特諭

又奉

上諭年來用兵西藏勦撫苗蠻及目今辦理軍需一切皆

西寧府新志

卷三十一藝文

詔諭

三

勤支公庫而糧餉轉輸不無資於民力朕心深為軫念
是以降旨將甘肅四川雲貴廣西五省庚戌年地丁錢
糧全行豁免查甘屬之河西四府如寧夏西寧及甘涼
肅以至嘉峪關外之靖逆赤金柳溝等衛所歷來額徵
俱係糧料草束與各省額徵折色無異今當用兵之際
雖絲毫不派及民間而黎民踴躍急公之意大將寧岳
鍾琪屢次奏聞甚屬可嘉應將額徵本色加恩豁免以
示惠愛邊民之至意著戶部卽行查明具奏

雍正八年奉

上諭甘肅地方雍正八年地丁錢糧前已降旨蠲免其河
西四府州縣各衛所額徵糧料草束又經一體免徵朕
念新歸內地番民嚮風慕義願附版圖其地畝額徵本
色糧草與河西等處稅賦相同亦應一體蠲除俾令同
沾恩澤著將雍正八年河東之河州廳應徵番糧一千
三十一石零洮州衛應徵番糧三百一十六石零歸德
所應徵番糧一百六十三石零河西之西寧府屬應徵
番糧一萬五百四十二石零涼州府屬應徵番糧二十
七石零草一百九十七束零俱加恩蠲免該督撫卽督
西寧府新志

卷三十一藝文

詔諭

四

率所屬有司敬謹奉行俾番民均霑實惠特諭

雍正十年奉

上諭甘肅地方年來預備軍需雖事事取辦於公帑而百
姓輓運効力亦甚勤勞朕心軫念維殷屢加恩澤前聞
今歲蘭州平涼西寧等府所屬州縣內有雹雨傷之
處已諭該督撫畱心賑恤停止催科嗣聞從前雨少之
地已沾被甘霖秋成可望朕心深慰因念甘肅爲軍需
總匯之區百姓急公趨事所當格外加恩俾閭閻力量
寬餘無催徵之擾以昭朕子惠元元獎勞實善之至意

著將河東河西各屬民戶屯戶番民等本年應徵各項銀糧草束一概蠲免若有已經完納者准作來年正賦該督撫等務體朕心督率有司敬謹奉行俾秦民均沾實惠倘有豪胥猾吏舞弊作奸使澤不下逮者經朕訪聞定將該管大小各員嚴加議處特諭

今上皇帝

雍正十三年九月

恩詔免雍正十年以上民欠錢糧 又奉

上諭將雍正十二年以前各省錢糧實欠在民者一併寬

西寧府新志

卷三十三藝文

詔諭

五

免

乾隆元年

恩免額徵五升社糧 又

恩免河西西寧額徵五升馬糧

乾隆四年奉

上諭甘省之秦安西寧等十五州縣俱有被水被雹之處朕已格外加恩將該州縣本年應徵地丁錢糧降旨豁免但甘省州縣從前多係衛所其額徵之項本色多而折色少亦有全征本色者朕前因甘省州縣屯地皆徵

本色而無折色每遇蠲免之年不得不一體沾恩曾降
旨准免三分之一此次秦安等十五州縣應徵糧草亦
照屯戶之例蠲免三分之一以示朕優恤邊民之至意
該督撫卽遵諭行

乾隆五年奉

上諭從來野無曠土則民食益裕卽使地屬畸零亦物產
所資民間多闢尺寸之地卽多收升斗之儲乃往往任
其閑曠不肯致力者或因報墾則必陞科或因承種易
滋爭訟以致愚民退縮不前前有臣工條奏及此者部

西寧府新志

卷三十三藝文

詔諭

六

臣以國家惟正之供無不賦之土不得概免之科未議
准行朕思則壤成賦固有常經但各省生齒日繁地不
加廣窮民資生無策亦當籌畫變通之計向聞邊省山
多田少之區其山頭地角閑土尚多或宜禾稼或宜雜
植卽使科糧納賦亦屬甚微而民夷隨所得之多寡皆
足以資口食卽內地各省似此未耕之土不成址段者
亦頗有之皆聽其閑棄殊爲可惜用是特降諭旨凡邊
省內地零星地土未開墾者嗣後悉聽該地民夷墾種
免其陞科並嚴禁豪強首告爭奪俾民有鼓舞之心而

野無荒蕪之壤其在何等以上仍令照例陞科何等以下永免陞科之處各省督撫悉心定議具奏務令民沾實惠更祈阻撓以副朕子惠元元之至意

乾隆元年奉

上諭朕愛辰黎元旰食宵衣惟恐薄海內外有一夫不獲其所邊以衝疲之地尤所廬念不惜沛恩施於常格之外固已屢降諭旨矣頃思甘肅一省地處西陲民貧土瘠前次以歲軍興嗣復連遭亢旱雖去年各屬內有收成稍稔而民間元氣未能遽復加意培養正在

西寧府志

卷三十三藝文

詔諭

七

此時查自雍正六年起至上年春夏止各屬民欠借糧積至一百一十四萬餘石例應按數徵收以清公項但思小民當積困之後若將新舊糧石一時並徵恐因竭蹶輸將以致生計窘迫非朕撫綏培養之本懷著將雍正六年至十三年借欠之項一概蠲免其乾隆元年以後借欠之項從壬戌年爲始分作六年帶徵至涼州西寧所屬武威平番永昌古浪西寧碾伯等六縣乃甘省最寒苦之處上年又被旱災深可憫惻昨已降旨將此六縣民欠額徵草束等項分作三年帶徵今既加恩通

省將雍正十三年以前舊欠悉行蠲免此六縣民欠雖在雍正十三年以後而彼地民力艱難甚於他邑著將此帶徵之項一併蠲免以昭朕加惠邊氓之至意

乾隆十年奉

上諭向來蠲免錢糧定例止係地丁而糧草不在其內朕降旨將乾隆丙寅年直省應徵錢糧通行蠲免惟是甘省地處邊隅所徵地丁少而糧草多其臨邊各屬丙寅年應徵番糧一萬二千六百餘石草五百餘束著格外加恩一體蠲免再河東河西額徵屯糧草束亦著蠲免

西寧府新志

卷三十三藝文

詔諭 御製

八

三分之一該督撫善為辦理務使民番均沾實惠該部即遵諭行
西寧一郡共免屯糧九千二百七十六石二斗八升四合草二十六萬一千五百四十一束七分番糧一萬一千二百四十九石九斗八升二勺九抄

御製

世宗憲皇帝御製平定青海告成太學碑

雍正三年

我國家受

大眷命撫臨八極日月所照罔不臣順遐邇乂安兆人蒙福乃有羅卜藏丹津者其先世固始汗自岡初稽首歸命當時使臣建議畀以駐牧之地其居雜衆羌密近甘涼

我

皇考聖祖仁皇帝睿慮深遠，以履於懷。

親御六師，平定朔漠，威靈所加，青海部落，扎什巴圖爾等震

聳承命。

聖祖仁皇帝因沛殊恩，封爲親王，兄弟八人，咸賜爵祿，羈縻
包容，示以寬大，而狼心梟性，不可以德義化。三十年來，
包藏異志，朕紹登寶位，優之錫賚，榮其封號，尚冀革心，
輯寧部衆，而羅卜藏丹津昏謬狂悖，同黨吹拉克諾木，
齊阿爾部坦溫布藏巴扎部等，實爲元惡，謂國家方洪

西寧府新志

卷三十三 藝文

御製

九

浩蕩之恩，不設嚴密之備，誕敢首造逆謀，迫脅番羌，侵
犯邊城，反狀彰露，用不可釋，於天誅遂命。川陝總督太
保公年羹堯爲撫遠大將軍，聲罪致討，以雍正元年十
月師始出塞，自冬涉春，屢破其衆，凡同叛之部落，戈鋌
所指，應時摧敗，招降數十萬衆，又降其貝勒貝子公台
吉等二十餘人，朕猶憫其蠢愚，若悔禍思愆，束手來歸，
尚可全宥，而怙惡不悛，負險抗違，乃決翦滅之計，以方
畧密付大將軍羹堯，調度軍謀，簡稽將士，用四川提督
岳鍾琪爲奮威將軍，於仲春初旬，禡牙徂征，分道深入。

擣其窟穴雷掃風驅搜剔巖阻賊徒蒼黃糜潰窮蹙失
據羅卜藏丹津之母及逆謀渠魁悉就俘執擒獲賊衆
累萬牲畜軍械不可數計賊首逃遁我師踰險窮追獲
其輜重人口殆盡羅卜藏丹津孑身易服竄匿荒山殘
喘待斃自二月八日至二十有二日僅旬有五日軍士
無久役之勞內地無轉輸之費克奏膚功永清西徼三
月之朔奏凱旋旅饒鼓喧轟士衆訢喜四月十有二日
以倡逆之吹拉克諾不齊等三人獻俘

廟

西寧府新志

卷三十一藝文

御製

十

社受俘之日臣民稱慶伏念

聖祖仁皇帝威靈震於遐方福慶流於奕葉用克張皇六師
殄滅狂賊行間將士亦由感激

湛恩厚澤爲朕踴躍用命斯役也芟夷凶悖綏靖番蕃但烽
燧永息中外人民胥享安阜實成

先志以懋有不績廷臣上言稽古典禮出征而受成於學所
以定兵謀也獻馘而釋奠於學所以告凱捷也宜刊諸
珉石揭於太學用昭示於無極遂爲之銘曰

天有雷霆聖作弧矢轉仁而行威遠寧通維此青海種

類實繁錫之茅土列在藩垣被我寵光位崇祿富負其阻遐禍心潛構不惟

聖祖慮遠智周睠念荒服綏撫懷柔朔野旣清西陲攸震爵號游加示之恩信如何凶狡造謀逆天鼓動昏慙寇侵於邊惟彼有罪自干天罰桓桓虎貔爰張九伐王師卽路冬雪初零日耀組練雷響輦鉦蠢茲不順敢逆戎旅奮張螳臂以當齊斧止如山嶽疾如兩風我戰則克賊壘其空彼昏終迷曾不悔戾當翦而滅斯馬決計厲兵簡將往擣其巢踰歷嶽嶇坦若坳郊賊棄其家我繫而西寧府新志

卷三十三藝文

御製

十一

獲牛馬谷量器仗山積蹇兔失窟何所逋逃枯魚遊釜假息煎熬師以順動神明所福旬日凱歸不疾而速殪彼逆謀懸首藁街獻俘成禮金鼓調諧西域所瞻此惟雄特天討旣伸羣首剔息橐戈偃革告成辟雖聲教遐暨萬國來同惟我

聖祖親平大漠巍功煥文邁桓軼酌流光悠久視此銘辭繼志述事念茲在茲

敕賜祐寧寺碑文

雍正十年

西寧郭隆寺、處通途刺麻之自西藏來者於茲取道

爲邊陲古刹自羅卜藏丹津之叛結連奸頑刺麻煽惑
番夷一時蠢動是以大兵進討燒焚寺宇俾奸宄無所
藏匿凶徒旣殄邊境敕寧梵刹舊基理宜修復爰發帑
鳩工遣官往董其事山開佛殿規制秩然僧舍經堂一
準舊式限令延僧二百人常住董修宣揚妙法往來梵
衆亦得棲息之所役旣告竣以舊稱不雅勅定嘉名賜
額曰佑寧寺並紀文勒石以昭久遠夫黃教之傳盛於
西域凡厥部衆尊崇信奉遠邇一心其爲道蓋佛氏之
支流開示迷途因俗利導於治化不爲無助書曰惠迪

西寧府新志

卷三十二藝文

御製

三

言從逆凶惟影響覽茲寺興廢之由順逆之理昭然矣
我國家洪敷德澤以振興黃教綏撫番夷繼自今恪守
清規虔修梵行諸部落歸依宗奉之願久且益堅將見
鴻慈普祐永戴清寧茲寺與西土山川同其悠久可也

敕賜廣惠寺碑文

雍正十年寺今
在大通衛境內

黃教之興盛於西土其道根源天竺演說因果覺悟羣
生使爲善者知勸作惡者思懲與作善降祥作不善降
殃之理默相符會所以易俗移風裨助於王化爲益洪
矣西寧舊有卍教寺地處通途爲邊方古刹從西藏進

口之刺麻皆於茲托足卽佛家所謂十方院也自羅卜
藏丹津博義作逆茲寺奸頑刺麻與相連接煽動部落
遂使修行之區轉爲藏奸之藪是以大兵進討除其衆
而燬其寺所以鉏惡止亂非得已也邇來氛翳廓清疆
土寧謐宜振興黃教以綏撫番夷爰發帑金遣官往爲
重建佛殿經堂僧舍山門規模復舊丹艸一新常住之
僧以二百人爲限俾其宣揚妙法且使往來僧衆有所
棲憩董役之臣請易嘉名賜額曰廣惠寺所望重建之
後遐邇番夷一心信奉敦崇善行以延慶祐永享我國
家億萬載太平之樂是朕錫福拯民躋諸仁壽之意也
紀文勒石用昭示於久遠焉

歷朝詔敕碑文

漢武帝讓趙充國敕曰皇帝問後將軍甚苦暴露將軍
計欲至正月廼擊罕羌人當獲麥已遠其妻子精
兵萬人欲爲酒泉敦煌寇邊兵少民守保不得田作
今張掖以東粟石百餘芻橐束數十轉輸並起百姓
煩擾將軍將萬餘之衆不早及秋共水草之利爭其
畜食欲至冬夷皆當畜食多藏匿山中依險阻將軍

士寒手足皸瘃寧有利哉將軍不念中國之費欲以
歲數而勝微將軍誰不樂此者今詔破羌將軍武賢
將兵六千一百人敦煌太守快將二千人長水校尉
富昌酒泉侯奉世將婁月氏兵四千人亡慮萬二千
人齎三十日食以七月二十二日擊單羌入鮮水北
句廉上去酒泉八百里去將軍可千二百里將軍其
引兵便道西並進雖不相及使夷聞東方北方兵並
來分散其心意離其黨與雖不能殄滅當有瓦解者
已詔中郎將印將胡越伏飛射士步兵二校益將軍
不義萬下必全勿復有疑

兵令五星出東方中國大利蠻夷大敗太白出高用
兵深入敢戰者吉弗敢戰者凶將軍急裝因天時誅
武帝賜趙充國詔曰制詔後將軍聞苦腳脛寒泄將軍
年老加疾一朝之變不可諱朕甚憂之今詔破羌將
軍詣屯所爲將軍副急因天時大利吏士銳氣以十
二月擊先零羌卽疾劇留屯毋行

東漢明帝詔曰昔桓公伐戎而無仁惠故春秋貶曰齊
人今國家無德恩不及遠羸弱何辜而當并命夫長

平之暴非帝者之功咎由太守長吏安加殘戮比銅
鉗尚生者所在致醫藥養視令招其種人若欲歸故
地者厚遣送之其小種若束手自詣欲効功者皆除
其罪若有逆謀為吏所捕而獄狀未斷悉以賜有功
者時燒何豪有婦人比銅鉗者年百餘歲多智算為
種人所信嚮皆從取計策時為盧水胡所擊比銅
鉗乃將其衆來依郡縣種人頗有犯法者臨羌長收
擊比銅鉗而誅殺其種六七百人明帝憐之乃下詔
云

竇太后臨朝褒段熲詔曰先零東羌歷載為患熲前陳
狀欲必掃滅涉履霜雪兼行晨夜身當矢石感厲吏

西寧府新志

卷三十一藝文

歷朝詔勅

十五

士曾未浹日凶醜奔破連尸積俘掠獲無算洗雪百
年之逋負以慰忠將之亡魂東觀記曰太后詔云此
以慰種先馬賢等亡魂

也功用顯著朕甚嘉之須東羌盡定并錄功勤八且
賜類錢二十萬以家一人為郎中敕中藏府調金錢
綵物增助軍費

魏文帝令問雍州刺史張既曰試守金城太守蘇則既
有綏民平夷之功聞又出車西定湟中為河西作聲
勢吾甚嘉之則之功效為可加爵邑未邪封爵重事
故以問卿密白意且勿宣露也

明太祖勅曰朕君天下凡四方慕義之士皆待之以禮授之以官使之宣其力焉爾朶爾只失結久居西土聞我聲教委身來庭朕用嘉之今開設西寧衛特命爾爲之佐爾尚思盡乃心撫其部衆謹守法度以安疆土心副朕委任之意可宣武將軍僉西寧衛指揮使司武六年正月敕

太宗瞿雲寺金佛像碑曰如來千百億化身慈悲萬有憫濟二途作大方便善哉善哉總攝羣生咸登覺道爲苦母之舟梁幽冥之日月有能作福功德普利一

西寧府新志

卷三十一藝文

歷朝碑文

六

切則一界人天皆所敬仰香雲彌布法雨充周大地山河皆爲佛國合靈蠢動普得濟度朕主宰天下愍念蒼生洪體慈悲發勸隨喜鑄金爲佛像利益羣品初命工作範久而不成一日工匠退食聞然無人模忽自成莫不驚異贊嘆以爲希有謂諸佛菩薩顯應示現神通遂一鑄而成乃有異香馥郁久而不散非人間所有瑞光圓滿毫相端嚴具諸種好是最妙吉祥持以布施灌頂淨覺洪濟六國師板丹藏卜歸於西土濟利羣生作無量勝果增長無量福德俾時歲

豐稔家給人足老小康寧災殃殄滅吉祥如意永蒙
佛恩於乎佛體如如真常寂靜故無感不應昔優曇
王作旃檀佛像妙感忉利天匠殊勝特異利益一切
靡有窮極朕今用金鑄而感應復若此所以利益者
亦復如是用紀其瑞勒之於石永隆佛教久遠益盛
乃爲贊曰道德巍巍兩足尊超出三界甚希有廣與
衆生作方便能以一善攝一切有緣遇者卽超悟不
動瞬息證圓融我今作此勝妙像毫相端嚴無比好
普利三途與六道蠢蠕胎溼悉蒙恩永願世間諸有
西寧府新志

卷三十一 藝文

歷朝碑文

七

情不纏煩惱感快樂三濁惡世悉清淨卽求如來寶
覺中大慈大悲現法身金剛堅固無有壞不可思議
大劫海一切歸命法中王

仁宗瞿曇寺碑曰朕惟佛氏之道廣大崇深圓融明淨
至神至妙不可測知所謂先天地不見其始後天地
不見其終德被萬有利兼顯幽以善感者無弗應以
誠求者無弗遂故自其法入中國以來歷代崇仰無
間貴賤大小皆持之爲濟涉之慈航啟迷之慧炬而
其功之大者密運化權陰翊皇度有不可名言者也

所以有道之主咸秉信向之誠我國家自太祖高皇帝躬膺天命撫有萬邦功高百代道濟天下無有遠邇咸囿於春風化育之中矣而聖人之心不自滿足又崇獎佛教設置官府於中外專理教事而官其徒之良者又頒布教條俾率其衆於善益欲廣佛之惠利於生民者也又念遠邇郡縣靡不建置寺宇以嚴崇奉而西寧接壤天竺乃佛所從入中國者也而獨寥寥希濶焉豈稱崇獎之意於是命官相土審位面勢簡才飭工肇作闡若高閣壯麗賜名瞿曇自是中

西寧府新志

卷三十二藝文

歷朝碑文

六

國之人往使西域及西域之人入朝中國者自此而欲摠誠徼福有歸依之地焉我太宗文皇帝以大德嗣大位推天地覆載之心統育萬類凡日月所照霜露所墜其有生之衆靡不欣欣焉涵濡於德化之內而聖人達孝繼志述事尚日孜孜惟恐不及於佛氏益勤崇獎之意瓊編寶冊頒布於海內外者不可紀極亦惟欲廣佛之惠利於生民者也乃於瞿曇寺重作奉佛之殿崇高附麗於日星五章輝灼於霞彩瀛深闊偉超出塵外香雲繚布如現鷲峯四達往來瞻

仰歡悅起信起敬佛德豈可涯涘哉朕祇承大統君
臨億兆惟祖宗之至仁佩服無斃惟祖宗之成憲率
履不忘重惟茲寺太祖皇帝肇之於前太宗皇帝紹
之於後二聖功德與佛不二表而章之其在於朕嗟
夫山可磨也而法界不隳海可竭也而真境長在神
龍法象共護四維亘萬萬年永奠西極

宣宗瞿曇寺後殿碑曰昔我太祖高皇帝受天明命奄
有天下四方萬國悉順悉臣德化流行無間遠邇舉
海宇之大民物之衆皆已納諸太和雍熙之域矣重

西寧府新志

卷三十三藝文

歷朝碑文

九

惟佛氏之教清淨爲宗慈悲爲用可以陰翊皇度洪
利衆生其功德至大無以加也而西方乃其教之所
自宜加崇事宜宣導宗風於是卽西寧之境肇建梵
宇賜名曰瞿曇寺以居其徒俾敷揚教法徼福下民
大矣哉高皇帝聖人之心也皇祖太宗文皇帝聖神
文武功德崇高茂闡皇猷仁育天下又卽寺名重作
佛殿其間規制闋麗用極崇奉嚴敬信而廣利濟焉
皇祖聖心卽太祖皇帝之聖心也皇考仁宗昭皇帝
道德光華恩澤孚浹覆載之內熙然同春而惓惓愛

民之志益重能仁之敷皇考聖心卽祖宗之聖心也
朕恭承天序嗣守天位惟三聖之大經大法欽奉而
行之以制禮興教若保合太和陰祐民物運靈化於
沕穆蓋有資於西方聖神者矣茲於瞿曇寺繼作後
殿用修先志增益闕規民悅工勸不勞而成旣成之
日遠邇趨赴瞻望拜跪萬衆一心如仰兜率感應之
妙種種吉祥天花法樂溢於見聞金相玉毫彷彿來
止最勝希有罔旣名言綺歟盛哉若朕志所存惟祖
考在天之靈用資福祐於無窮惟國家寶祚之重用
隆本支於蕃盛惟海宇生民之重用保太平於悠久
此朕之志亦惟體皇考之聖志也嗟夫如天地之大
如日月之明惟佛暨我國家永永同壽用勒貞石於
千萬年

西寧府新志

卷三十二藝文

歷朝碑文

三